

Avataasiorluni uuliasiornermi iliuuseqaatissat pillugit suliaqarnermi (*scope of project*) najoqqutarineqartussa





Nunatta avataanni uuliasiorniarlutik qinnuteqaateqarniartut nunatsinni Aatsitassat Pillugit oqartussanut (MRA) qinnuteqaateqaateqassapput. Ukiumi pineqartumi uuliaqarnersoq pillugu misissueqqaarnissamut (præ-scope) qinnuteqaateqarniartut, ukioq pineqartoq sioqqullugu 1. decembari nallertinnagu qinnuteqaateqaateqareersimassapput. Uuliasiornermi immap naqqani qillerisussaasimagunik tamatumali nassatarisaanik maralluk ujaraaqqallu immap naqqani siaruarterisoqartussaassalluni, taava taava tamatumunnga misissueqqaarnernut (præ-scope) tunngatillugu pilersaarutit qaammatit 19-t sioqqullugit oqartussanut tunniutereerneqarsimassapput. Tamatumunnga pissutaavoq qilleriffissap eqqaata misissuiffigeqqaarneqartariaqarnissaa Pilersaarusiaq (præ-scope) tuluttut allanneqarsimassaaq.

Misissueqqaarnissamut pilersaarusiaq/præ-scope makkuninnga imaqaassaaq:

1. Naatsumik erseqqissaassutigineqassaaq suna pillugu qinnuteqaateqartoqarnersoq (aamma suli pilersaarusiornermi paasissutissat tamarmik, soorlu umiarsuit allallu atortussiat suunerinik præ-scope-p suliarinerani ilisimasaqqaqqissaanngikkaluarluni, ilanngullugit:
 - Akuersissutip normua, kinalu piginnittuunersoq
 - Iliuseqaatissat pillugit pilersaarutit eqikkarlugit, ilanngullugu:
 - iliuseqarniarmi siunertarisaq
 - qillerisussat pillugit paasissutissat
 - piffiit iliuseqaateqarniarfusut
 - misissueriaatsit iliuseqaatillu atorneqassamaartut pillugit paasissutissat
 - atortussiat akuutissallu arortikkuminaatsut atussamaarneqartut soorlu tamakku atorniarneqarnersut pillugit paasissutissat
 - piffissap atorneqartussap sivissusissaa, ilanngullugu umiarsuit atorneqartussat qaqugukkut nunatta imartaanut pissanersut aammalu qaqugukkut sulilerlutillu naammassinnissanersut
 - piffik iliuseqaateqarfusussaq
 - atortorissaarutit siaruarterneqartussat piffissami qanoq sivisutigisumi atorniarneqarnersut aammalu qanoq qaqeqqinniarneqarnissaanut pilersaarusiorneqarsimanersoq
 - immap naqqanut qinnguartaarinnilluni misissuisoqassappat, makkua pillugit ilisimatitsissutissisoqassaaq:
 - qinnguartaariaatsit suut atorneqassappat? 2D, 3D, VSP, il.il.
 - silaannakkut qaartitseriaatsit atorneqartussat: siaruarfiat, sakkortussusaat (dB re 1 µPa (peak-peak), il.il.
 - qinnguartaanerup inissisimaffii sammivissaalu
 - nipimik tusaaniarnermi kabelit atorneqartussat (streamer)
2. Iliuseqaatit avatangiisinut sunniutigisassai qanoq ilimagineqarpat, qanorlu pinaveersaartinniarneqarlutillu annikitsuutinniarneqassappat.



Aatsitassat pillugit Aqutsisoqarfiup (EAMRA) misissueqqaarnerit pineqartut pillugit sap.ak. marluk qaangiunnerini naliliiffigissavaa:


- #1 ilumut avatangiisit annertuumik innarlerneqarsinnaanerit ilimanaateqarnerisooq, aammalu tamatuma nassatarisaanik VVM-nalunaarusiornissaq (Avatangiisit sunnerneqarnerat pillugu nalunaarusiornissaq) pisariaqassanersoq (tuluttoorlugu Environmental Impact Assessment – EIA).
- #2 avatangiisit sunnerneqaatigisinnaasaat siaruarterneqarnissaallu annikitsuussangatinneqarpoq, taamaattumillu pissusissamisuussalluni Iliuuseqaatissat pillugit VFT-mik (Pinaveersaartitsiniarluni Iliuuseqaatissanik nalunaarusiortoqassanersoq - tuluttoorlugu Environmental Mitigation Assessment – EMA).
- #3 Avatangiisit innarlerneqarsinnaanissaat imak ilimananngitsigivoq (ass. umiarsuit ingerlaarnerannut sanilliussinikkut annertunerunani), pisariaqarani VVM-imik (Avatangiisit sunnerneqarnerat pillugu nalunaarusiornissaq) imaluunniit VFT-mik (Pinaveersaartitsiniarluni Iliuuseqaatissanik Nalilersuisoqassanersoq).

VVM-imik nalilersuisoqassappat (periarfissaq 1), taava præ-scope naammasseriarlugu ingerlatiinnarlugu scope-issatut (misissuivinnissamut) missingersuut suliarineqariissaaq, tamatumani EAMRA-mit præ-scope-mut oqariartuutigisimasai tapirtuunneqarsimassallutik. Missingersuut taanna kalaallisut, tuluttut danskisullu suliarineqarsimasooq ullut 35-t qaangiutsinnagit innuttaasunut tusarniaassutigineqarsimassalluni. Tusarniaareernerup kingorna nalunaarusiarsuarmik sanasoqassaaq, tassanilu tusarniaanermut atatillugu apeqquteqaatit akissutigineqartullu ilanngunneqarsimassallutik. Nalunaarusiarsuaq aammalu inerniliassatut scope-liaq piaarnerpaamik EAMRA-mit akuerineqarnissaat siunertarlugu nassiunneqassallutik. Akuersissut pissarsiarineqarpat, taava VVM-issatut missingersuusiaq EAMRA-mit akuerineqartussanngorlugu kingusinnerpaamik 1. marts nassiunneqassalluni (takukkit VVM/VTF-it nalunaarusiarineqarnissaanut ilitsersuutit).

VFT-mik nalunaarusiortoqassatillugu (periarfissaq 2) taava præ-scope avammut tusarniaassutigineqassanngilaq, taamaattorli kingusinnerpaamik 1. marts VFT-tut nalunaarusiaq EAMRA-mut ingerlateqqinneqareersimassaaq (takukkit VVM/VFT-t nalunaarusiarineqarnissaanut ilitsersuut).

Taava VVM-imik imaluunniit VFT-mik nalunaarusiortoqassanngippat (periarfissaq 3) taava præ-scope avammut tusarniaassutigineqassanngilaq, taamaattumillu Iliuuseqarnerni avatangiisinik kalluaanerit tamatigoortumik qinnuteqaasiornermi nassuiaatigineqarsimassallutik. Tamatuma saniatigut EAMRA pisinnaatitaassaaq pisariaqartikkuniuk itisilikkanik ilisimatinneqarnissamut.





Tusarniaasoqarnissaanut qinnuteqaatit, tamatumani apeqqutaatinnagu misissueqqaarnissamut nassaarniarnermilu qillerinissanut, taava taakkununga ilanngullugu VVM-imik nalunaarusiaq ilanngunneqartussaapput. Tamakkua pillugit immikkut ilitersuusiortoqarsimavoq. Qillerinerup nassatarisaanik marraq ujaraaqqallu siaruarterneqartussaasimatillugit, taava suliniuteqarfissat (baseline) eqqaa pillugu nalunaarusiortoqaqqaarsimassaaq. Taanna avatangiisit tamaasa isigalugit nalilersuinerussaaq, soorlu immap naqqani uumassusillit suut takussaansut aammalu immap naqqata sananeqaataa pillugu kemisk-imik nalilersuisoqarsimassalluni. Tamakku pillugit inerniliussat VVM-imik nalunaarusiornermi ilanngunneqarsimassapput. - Suliniuteqarfissat eqqaanik (baseline) misissuinerit nalinginnaasumik aasaanerani suliarineqartarput, tassa ukioq qilleriffiususaaq sioqqullugu aasaanerani. Taamaattumik misissueqqissaarnernut tunngatillugu pilersarusiassat aasani tulleriini ingerlanneqartussat pilersarusiorneqarsimasarput.

Immap naqqata natianik misissuinerit kingunerigajuttarpat VFT-mik nalunaarusiornissaaq, kisiannili ilimanaateqarsinnaapput avatangiisit annertuumik sunnerneqarsinnaajumaartut taava VVM-imik nalunaarusiortoqartariaqarsimassaaq. Tamakku suliarineqarnissaat pillugit immikkut ilitersuusiortoqarsimavoq.

Imaani suliniuteqarnerit assigiinngitsut, soorlu assersuutigalugu immap naqqaniittut suunerinik misissuinerit, immami aqqartuaraasat atorneqartut pillugit paasissutissat, sisoortaaserluni immamik misissuinerit, kisitsisinik paasissutissanik katersat il.il. tamatigut kingunerineq ajorpat VVM-imik imaluunniit VFT-mik nalunaarusiortariaqarnissat. Tassani paasissutissat tamakku inaarutaasumut scope-mut qinnuteqaasiornermi ilanngussuunneqarnissaat naammagineqarajuttarmat. Taamaakkaluartoq EAMRA periarfissaqarpoq pisariaqartikkuniuk sukumiinerusunik paasissutissinneqarnissaminik.

Scope-rnermi piffissap ingerlaasissaa:

	Killiliussaq Deadline	Paasissutissiinermi oqaatsit ukua atorneqassapput
præ-scope-miknassiussinissaaq	1. december	Tuluttut
EAMRA-p præ-scope –miknalilersuinerana	15. december	
Scope-p naammassigallarlugi nassiunneqarnera (aatsaat VVM-toqassatillugu)	1. januar	Tuluttut, kalaallisut, danskisut
Scope-ssatut missingersuusiap ulluni 35-mi avammut tusarniaaneq (aatsaat VVM-liortoqassatillugu)	5. januar–9. februar	Tuluttut, kalaallisut, danskisut
Nalunaarusiarsuaq + naammassillugu scope (aatsaat VVM-iortoqassatillugu)	Tusarniaaereernerup sapinngisamik kinguinnguutigut	Tuluttut, kalaallisut, danskisut
EAMRA-p akuersissuteqarnera		
VVM/VFT-tut missingersuutitut suliaq	1. marts	Tuluttut, kalaallisut, danskisut